



Broj: 15-03-16-5-37-72/24

Datum: 26.7.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikaciona dokumenta, evidenciju i razmjenu podataka Bosne i Hercegovine donosi

O D L U K U o poništenju postupka javne nabavke

Član 1.

Poništava se postupak javne nabavke **HTZ opreme i radne odjeće i obuće - LOT 2 - radna odjeća**, objavljen na Portalu javnih nabavki Bosne i Hercegovine, Obavještenje o nabavci broj 1110-7-1-36-3-59/24 od 27.5.2024. godine, za koji je primijenjen postupak konkurentskog zahtjeva za dostavljanje ponuda.

Član 2.

Poništava se Odluka o izboru najpovoljnijeg ponuđača, broj 15-03-16-5-37-46/24 od 2.7.2024. godine.

Član 3.

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

Član 4.

Ova odluka stupa na snagu danom objave na *web* stranici Agencije za identifikaciona dokumenta, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke HTZ opreme i radne odjeće i obuće (u daljem tekstu: Komisija) je konstatovala da je rok za prijem ponuda za bio 13.6.2024. godine do 10:00 sati, te da je do navedenog roka na pisarnicu Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) za LOT 2 - radnu odjeću pristigla jedna (1) ponuda i to ponuđača: „IMANAGER“ d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda za LOT 2, broj 15-03-16-5-37/24 od 13.6.2024. godine, u kojem su detaljno obrazloženi razlozi za izbor najpovoljnijeg ponuđača.

U postupku analiza i ocjene ponuda Komisija je utvrdila da su ponuda ponuđača „IMANAGER“ d.o.o. Sarajevo ispunjava zahtjeve u pogledu opisa predmetne nabavke i tehničkih specifikacija koji se traže od ponuđača, te je u skladu sa navedenim Agencija donijela Odluku o izboru najpovoljnijeg



ponuđača, broj 15-03-16-5-37-46/24 od 2.7.2024. godine, i od izabranog ponuđača zatražila dostavljanje u roku od pet (5) dana od dana zaprimanja ovog obavještenja:

- a) u originalu ili ovjerenoj kopiji uvjerenje/izvod/potvrdu nadležnih institucija da je uredno izmirio dospjele obaveze u vezi s plaćanjem direktnih i indirektnih poreza, kojim dokazuje da se slučajevi navedeni u izjavi o ispunjenosti uslova iz člana 45. stav (1) tačka d) Zakona o javnim nabavkama („Službeni glasnik BiH“, br. 39/14 i 59/22) ne odnose na njega, te
- b) uzorke za sve stavke koje su predmetom nabavki LOT-a 2 prema tehničkim specifikacijama.

Navedeni zahtjev je izabranom ponuđaču dostavljen dana 5.7.2024. godine, a Komisija je konstatovala da je izabrani ponuđač svoj odgovor i traženo dostavio 12.7.2024. godine na pisarnicu Agencije. Kako izabrani ponuđač nije postupio u skladu sa zahtjevom, dostavljenim u skladu sa tačkama 3.1.1. i 3.3.1. Tenderske dokumentacije, Komisija je u svom izvještaju predložila da se ponuda ovog ponuđača odbije kao nepravilna, odnosno neprihvatljiva.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane Agencije u postupku javne nabavke. Žalba se izjavljuje u roku od pet (5) dana od dana objave odluke na *web* stranici Agencije. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević potpisano / digitally signed